

AVANNAATA KOMMUNIA



TAPIISARNERMUT ELEQQOREQQUSAQ

Kalaallisut

2025

§ 1: Siunertaq:

- Peqatigiiffiit tamaasa aamma kulturikkut aqqissuussat angalanermut aningaasartuutitut tapiissuteqarfiginerisigut aamma ininik attartornermut silamilu ingerlatsinerit tapersersornissaat.
- Avannaata Kommuniani najukkami kulturikkut aqqissuussat tapersersussallugit.
- Uannga ileqqoreqqusamik tunngaveqartumik tapiiffigineqassagaanni Avannaata Kommuniani najungaqartuunissaq piumasaqaataavoq.

§ 2: Inatsisit tunngavigineqartut:

- Kulturikkut ingerlatsineq sunngiffimmilu sammisassaqtitsineq pillugit Inatsisartut Inatsisaat nr. 5, 6. juni 2016-imeersoq
- Timersorneq timigissarnerlu pillugit Inatsisartut Inatsisaat nr. 15, 6. juni 2016-imeersoq
- Meeqqat inuusuttullu suliniaqatigiivinit init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq

§ 3: Peqatigiiffimmu tapiissutinik tunineqarnermi piumasaqaatit:

Imm. 1: Piorsarsimassutsikkut ingerlatsineq sunngiffimmilu sammisassaqtitsineq pillugit Inatsisartut Inatsisaat nr. 5, 6. Juni 2016-meersumi allassimasut siunertat naapertorlugit Peqatigiiffiup anguniagassaasut allassimasut naammassissavai kiisalu Meeqqat inuusuttullu suliniaqatigiivinit init silamilu ingerlatsiviit pillugit Namminersorlutik Oqartussat nalunaarutaat nr. 20, 27. september 1988-imeersoq naapertorlugu anguniagassaasut allassimasut peqatigiiffiup naammassisimassavai.

Imm. 2: Pilersitsinertalimmik ataatsimeersuartitsoqareersimassaaq.

- Peqatigiiffik minnerpaamik qulinik ilaasortaqaarnissa, saniatugut tapersersuisussanik peqassallutik.
- Peqatigiiffiup ileqqoreqqusaani aalajangersakkat naapertorlugit ataatsimeersuartoqassaaq.
- Ileqqoreqqusaq naapertorlugu siulersuisuni ilaasortassanik qinersinerit ingerlanneqassapput.

Imm. 3: Peqatigiiffik Avannaata Kommuniani angerlarsimaffeqassaaq.

Imm. 4: Ukiut tamaasa Maajip 15-at sioqqullugu naatsorsuutit akuerineqarsimasut kommunimut tunniunneqartassapput najukkami Peqqinneq Sunngiffimmilu aqutsisuusumut.

- Ilaasortat amerlassusaat, ilaasortaanermut akiliutissaq, pigisat aningaasallu uninngasuutit naatsorsuutini allassimassapput.

- Akiitsut ilanngullugit allasimasassapput kiisalu pigisat nalillit.
- Ataatsimeersuarnermi kukkunersiuisussatut toqqarneqartumit naatsorsuutit kukkunersiorneqassapput. Kukkunersiuisut akuerisaat.

Imm. 5: Ukiup tullissaanut sammisassanut pilersaarut najukkami Peqqinneq Sunngiffimmullu kingusinnerpaamik 31. Januar nassiunneqarsimassaaq.

Ersarissaaneq unammiartoqassappat imaluunniit angalasoqassappat nalunaarusiornissaq, taamatutaaq sutitsisoqartussaappat annertuumik.

Imm. 6: Angalanernut tapiissuteqartarneq, namminerisamik umiatsiamik ingerlanneqarpata angallassinissamut akuersisummik peqartariaqarpoq, namminerisamik umiatsiamik ingerlanneqarpata, umiatsiaq pisariaqartitanik isumannaallisaatinik peqarpat aatsaat angalanernut tapiissutit tunniunneqassapput, soorlu makkuusunik, VHF raatiu, GPS, ajunaalernermi qummoroortaat kalerrisaarutit, annanniutit atisartakkat ilaasunut tamanut aamma umiatsiaq/pullattagaq aquuterallalik. Kiisalu angalaniarnermi pinngitsoorani ingiaqateqarnissaq qulakkeerneqassaaq. Aammalu meeqqat pinerullugit angajooqqaat ilisimatinneqartassasut atsiortillugillu.

- 6.a Umiatsianik attartornermi piumasagaatit isumaqatigiissutillu isumannaarneqarsimassapput.
- 6.b Namminerisamik snecooterinik angalaneq angerlanneqassappat, angalasoq (Angallasisoq) isumannaallisaaneq eqqarsaatigalgu satellitsikkut oqarasuaammik imaluunniit SMS-kkut nassitsisinnaasumik peqassaaq.
- 6.c Innersuussutigineqarpoq angallasisinnaanermut akuerisaasumik attartornissaq.
 - o KNAPK-ip SQAPK-iilu akigitai atorneqassapput aammali akikinnermik neqeroorisiortoqarsinnaavoq.
 - o Attartornermut isumaqatigiissuteqartoqarsimassaaq.

Una peqatigiiffinnut tapiisarnermi ileqqoreqqusaq naapertorlugu kattuffinnut tapiisoqarsinnaanngilaq.

§ 4: Taperneqarnissamut qinnuteqaatit piumasagaatitai:

Qinnuteqarnermi immersugassaq: ”Avannaata Kommunianit tapiiffigineqarnissamut qinnuteqaat”.

Imm. 1: Qinnuteqarnermi siunertaq qinnuteqaatigineqartoq pillugu paasissutissanik, angalanermut aningaasartuutit takussutissartaannik aamma aningaasat tapiissutigineqartussatut qinnutigineqartut amerlassusiinik imaqartinneqassaaq. Qinnuteqarnermi angalanissaq minnerpaamik ullut 10-it **iluani** tunniunneqareersimassaaq.

Imm. 2: Peqataasut aqqi ulloq inunngorfik ilanngullugit qinnuteqaammut ilanngussatut ilaatinneqassapput

Imm. 3: Peqatigiiffiit peqatigiiffinnik allanik suleqateqarlutik angalatitsinissatik eqaatsumik pilersaarusiornissaannut piviusunngortissinnaanissaannullu tapiisarnermut ileqqoreqqusamit periarfissinneqarput

Imm. 4: Suliamik suliarinninnissaq aallartissaaq paasissutissat tamaasa kommunimi immikkoortortaqaarfimmuq Peqqinneq Sunngiffillu-mut tunniunneqarpata. Qinnuteqarnissamut piffissaliussaq malinneqanngippat peqatigiiffik qinnuteqaammunik itigartitaasinnaavoq.

Imm. 5: Aaqqissuussanut taperneqartussanut kingumoortumik qinnuteqartoqarsinnaanngilaq.

§ 5: Tapiissutinik atuisimanermut uppersaatit:

Imm. 1: Avannaata Kommunianut angalasimanermut nalunaarusiat naatsorsuutinik ilalik sammisaqartitsinerup kingorna kingusinnerpaamik qaammatit marluk qaangiutsinnagit kommunimi Peqqinneq Sunngiffimmuq tunniunneqareersimassapput, sulit tunniunneqarsimangippata tunngavilersuilluni nalunaarusiortoqassaaq.

Imm. 2: Tapiiffigineqarnissamut qinnuteqaammi anguniakkatut allasimasut naapertorlugit tapiissutit tamarmiusut imaluunniit ilaannakortumik atorineqarsimassanngikkunik tapiissutit atunngitsuukkat Avannaata Kommunianut utertinneqassapput.

- Atunngitsuukkat utertinneqanngippata nutaamik qinnuteqaasiornermi itigartitsisoqassaaq atunngitsuukkat peqatigiiffimmiit Avannaata Kommunianut utertinissaata tungaanut.

§ 6: Aningaasaliissutinut sinaakkusiussat:

Imm. 1: Kommunalbestyrelsi missingersuutit suliarineqarnerini ukiumoortumik aningaasat tapiissutissat amerlassusaat aalajangersartassavai.

Imm. 2: Kommunimi najugaqarfinni tamani innuttaasut najugallit amerlassusaat malillugit tapiissutit amerlassusilersorneqartassapput aamma agguarneqartassapput.

Imm. 3: Peqatigiiffiup CVR-.nr-ssani, Akileraartarnermut pisortaqaarfimmuq, Namminersorlutik Oqartussaniittumut peqatigiiffiup pissarsiarereernerani, aallartisarnernut 1.000 koruunit tungaanut tapiissuteqartoqarsinnaavoq, kiisalu peqatigiiffiup Bankkonto pingineqarnissaa.

Imm. 4: Peqatigiiffik pisortatigoortumik nuna tamakkerlugu unammersuarnermik aaqqissuisoq 40.000 koruunit tikillugit aaqqissuussamut ataatsimut tapiiffigineqarsinnaavoq, taakku ullormusiaqartitsinermut imaluunniit inunnut ajunngitsorsiasatut atorineqaaqqusaanngillat. Tapiissutit 40.000 kr.-it atornerinut nassuiaat, aaqqissuussinerup ingerlanneqarnerata kingorna kingusinnerpaamik qaammatip ataatsip qaangiunnerani nassiunneqassaaq.

- Kommunitimi immikkoortorta qarfirmut Peqqinneq Sunngiffillu utertinneqarnissaannik piumasaqarsinnaavoq, tapiissutinik atornerluisoqarsimappat.

Imm. 5: Aaqqissuussat pereersut tapiissuteqarfigineqarsinnaanngillat.

Imm. 6: Peqatigiiffiit Avannaata Kommunianut akiitsoqartut akiitsut akilersornissaannik, allaganngorlugi isumaqatigiissuteqareerunik aatsaat tapiissuteqarfigineqarsinnaapput.

§ 7: Timersornermik siunertallit tapiissuteqarfigineqartarneri:

Imm. 1: Aaqqissuussinermi ataatsimi iligiiaat angalanermut aningaasartuutaannut tapiisoqarsinnaavoq:

- Ilulissat: Inersimasut angalanermut 65%-mik aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartannorniunnissamat anngunniunnernut aamma ajugaanniutivinnernut.
- Uummannaq: Inersimasut angalanermut 70%-mik aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartannorniunnissamat anngunniunnernut aamma ajugaanniutivinnernut.
- Upernavik: Inersimasut angalanermut 75%-mik angalanermut aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartannorniunnissamat anngunniunnernut aamma ajugaanniutivinnernut.
- Qaanaaq: Inersimasut angalanermut 80% aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartannorniunnissamat anngunniunnernut aamma ajugaanniutivinnernut.
- Avannaata Kommuniani meeqqat inuusuttullu 18-it ataallugit ukiullit aningaasartuutit tamarmiusut iligiiaanut siullermut 100%-mik matussuserneqartassapput. Aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartannorniunnissamat anngunniunnernut aamma ajugaanniutivinnernut. Meeqqanut inuusuttuaqqanullu 18-it ataallugit ukiulinnut angalanermi inersimasunik marlunnik, uani sungiusaasumik aqutsisumillu peqateqarnissaminnik akiliunneqarsinnaapput.
- Avannaata Kommuniani meeqqat inuusuttullu 18-it ataallugit ukiullit aningaasartuutit tapiisoqartassaaq iligiiaat siulliit saniatigut peqataasussanut angalanerit 65%-mik matussuserneqartassapput. Aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartannorniunnissamat anngunniunnernut aamma ajugaanniutivinnernut. Meeqqanut inuusuttuaqqanullu 18-it ataallugit ukiulinnut angalanermi iligiiaat ataatsit inersimasunik marlunnik, uani sungiusaasumik aqutsisumillu peqateqarnissaminnik akiliunneqarsinnaapput.

- Nunani avannarlerni meeqqanut inuusuttuaqqanullu 18-it inorlugit ukiulinnut ukiumut angalaneq timersoqatigiiffimmi timersuummut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarnertut, tamatumani hold-inut arlariinnut unammisoqassalluni. Assersuut: Danmark Mesterskab peqataanermut.
- Nunanut allanut angalalluni sungiusariarnernut tapiissuteqartoqarneq ajorpoq.
- Utoqqaat innarluutilullu timersornermik atuineranni aningaasartuutissat tamarmik 100%-mik matussuserneqartassapput. Fitness, timigissartarfiit / Motion, timersortarfinnilu atuinermi.
- Utoqqaat suliunnaarnersiutillillu peqatigiiffii nunarput tamakkerlugu unammersuaarnissaannut angalanermut 60%-mik taperneqarsinnaavoq.
- Utoqqaat suliunnaarnersiutillillu nunani avannarlerni timersornermi unammiarlutik angalaneranni iligiiaat ataatsit 25%-imik taperneqarsinnaapput.

Imm. 2: Meeqqat inuusuttullu 17-it angullugit ukiulinni timersornerup iluani immikkut malunnaateqarluni piginnaanilimmullu tapiisoqarsinnaavoq – Aningaasat tapiutigineqartut timersornikkut siariaateqartumik ineriartortitsinermi aningaasartuutitut matussusiinermut atorineqassapput.

Imm. 3: Avannaata kommuniani pissartanngorniunnerni hold-i ataaseq annerpaamik 40%-imik angalanermut taperneqarsinnaavoq.

Imm. 4: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atortunik attartornermut, ukiumoortumik Fodboldskolemut aamma Håndboldskolemut Tae Kwon Do-mut Kidsvolley-imut Arctic Sports-imut, sulorartartunullu ilinniartitsinerinilu taakkunani atortunut, aningaasartuutit tamarmiusut 100 %-mik matussuserneqartassapput.

Imm. 5: Nammineq pigisumi Uummannami inuusuttut 18-it inorlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 100 %-ii matussuserneqartassapput.

Imm.5a: Nammineq pigisumi Uummannami timersortarfinni timersoqatigiiffiit sammisaqartinneqarnerini inersuarmi attartornermut aningaasartuutit 90 %-ii matussuserneqartassapput.

Imm.6: Timersortarfinni tamani illup iluani silamilu meeqqat 17-it tikillugit ukiullit timersornermik sammisaqartinneqarnerini atortunik attartornermut aningaasartuutit ukiumoortumik akuerineqartut malillugit “Kommunemi Akigititat” atorlugit matussuserneqartassapput.

- Inersuarmik timersornermut atuneq akeqanngilaq.

Imm. 7: Ukioq timersorfiusoq naapertorlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, timersuummi ataatsimi sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq timersorfiusoq septemberimiit maj/junimut sungiusaasutut ingerlatsisimanermut uppernarsaat, tapiissuteqarfigineqarnissamik qinnuteqaammut ilanngullugu peqatigiiffiit timersoqatigiiffillu siulersuisuniik nassiunneqassaaq, meeqqanik sungiusaasuunermi meeqqanik pinerliisimannginnermut uppernarsaat ilanngullugu.

Imm. 8: AWG-imi, Inuit Games-ini aamma Island Games-ini assigisaanillu peqataanermi, Avannaata Kommuniyani najugaqartumut Nuna tamakkerlugu holdikkaarluni unamminermi peqataasumut ataatsimut kaasarfimmiunik 1.000,- kr.-inik tapiissuteqartoqarsinnaavoq.

Imm. 9: Illoqarfinni ”Ukiup Timersullammaatut nersornaasiineq” annerpaamik 3.000,- kr.-nik aningaasartaqartassaaq. Timersornerullu iluani nersornaasiinernut allanut inummut ataatsimut inoqarfinnilu tamani nunaqarfiit ilanngullugit annerpaamik 1.000,- kr.-nik aningaasartaqartassapput.

Timersullammak imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarnermi ingerlanneqartassapput

- Timersullammamik toqqaanissamut komitemik pilersitsisoqassooq. Komitemi ilaasortassapput inuit tallimat, taakkuussallutillu timersoqatigiiffiit innersuussaanik toqqaasussat. Toqqaasussat timersoqatigiiffinniik innersuunneqarsimasut maleruaqqusat malillugit innersuunneqarsimasut piukkunnarnersiorlugit. Komitemi makkunanga inuttaqartumit:
- Timersortarfimmi pisortaq
- Najukkami ataatsimiititaliamit aallartitaq
- Ukiut ingerlanerani sumiiffimmi timersullammattut toqqagaanikoq
- Ukiut ingerlanerani sumiiffimmi timersullammattut toqqagaanikoq
- Timersoqatigiiffimmiit aallartitaq ataaseq (toqqagaq)

Nersornaasiineq imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarnermi ingerlanneqartassapput.

Imm. 10: Avannaata Kommuniyani ”Ukiup Timersullammaatut nersornaasiineq” annerpaamik 5.000,- kr.-nik aningaasartaqartassaaq, timersornerullu iluani sumiiffigisaminni innuttaasunut sunniuteqarluartumik suliniuteqartunut tunniunneqartassalluni.

- Avannaata Kommuniyani ”Ukiup Timersullammaatut nersornaasiineq” innersuussutit timersoqatigiiffinnut innuttaasunullu tamanut kina ”Ukiup Timersullammaatut nersornaasiineq”-qassanersoq siunnersuutinik tunniussereersimasassapput 1.december nallertinnagu illoqarfinni sumiiffigisani immikkoortortamut ”Peqqinneq Sunngiffillu”-mut.

- Toqqaaniarnermi sumiiffinnit komité-t tunngavilersorluakkamik inummik ataatsimik innersuussinerisigut toqqaasoqartassaaq. Komité-t 15. December nallertinnagu innersuussereersimasassapput.
- “Ukiup Timersullammaatut nersornaasiineq”-mi Komite-mi toqqaasassapput; Politikikkut qinikkat sinnerlugu Borgmester, Peqqinneq Sunngiffimmilu aqutsisut.

Imm. 11: Timersoqatigiiffiit peqatigiiffiit tapiiffigineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Imm. 12: Timersoqatigiiffiit 18 inorlugit ukiulinnut sungiusartartunut sungiusaasut ukioq timersorfik aallartinninnerani ukiut tamaasa (sæson) meeqqanut pinerluuteqarsimannginnermik uppersaammik Peqqinneq Sunngiffimmillu tunniussisassaaq.

- 12.a. Ukioq sungiusarfiusumut børneattest 1. januar aammalu 31. december atuutitsineqartassaaq, ukiullu tamaasa nutarterneqartassalluni.

§ 8: Kulturikkut aaqqissuussat tapiissuteqarfigineqartarneri:

Imm.1: Peqatigiiffiit § 3-mi piunasaqaatinik naammassinnittut angalanerisa aningaasartuutaannut illoqarfikkuutaallugu %-it aaliangersimasoq tunniunneqarsinnaavoq.

- Ilulissat: Inersimasut angalanermut 65%-mik aningaasartuutitut tapiisoqartassaaq
- Uummannaq: Inersimasut angalanermut 70%-mik aningaasartuutitut tapiisoqartassaaq
- Upernavik: Inersimasut angalanermut 75%-mik angalanermut aningaasartuutitut tapiisoqartassaaq
- Qaanaaq: Inersimasut angalanermut 80% aningaasartuutitut tapiisoqartassaaq
- Avannaata Kommuniiani meeqqat inuusuttullu 18-it ataallugit ukiullit aningaasartuutit tamarmiusut 100%-mik matussuserneqartassapput.

Imm. 1.a: Ukunnunnga atuuppoq:

1. Innuttaasunik paasititsiniaaneq, soorlu assersuutigalugu kulturi timersornerlu pillugit paasititsiniaanerit.
2. Piorsarsimassutsip (kulturip) ineriartortinneqarneranik suliniarneq aamma saqqummersitsinerit.
3. Najukkami peqatigiiffiit ataatsimoorussamik siunertallit.
4. Isiginnaartitsinerit, erinarsornerit aamma nipilersornerit, uani Festival ilanngullugit.
5. Filmertitsinerit aamma videortitsinerit.
6. Nipilersukkanik aammalu video-lianik saqqummersitsinerit.
7. Atuakkanik saqqummersitsinerit.

Imm. 1.b Nipilersukkanik video-lianik saqqummiinissamut qinnuteqartarneq maaji 15-ianut qinnuteqartarneq killeqarpoq. Upernaakkut qinnuteqartoqarsimangippat piriarfissaqarpoq Septemberip 15-ianut qinnuteqarnissamut. Qinnuteqarnermi annerpaamik 20.000,- kr. tapiisoqarsinnaavoq. Immiussinermi tapiissutit atortut amigaatinut atungassiatut qinnuteqaatigineqarsinnaanngillat.

Imm.2: Nipilersortartut erinarsortartullu Avannaata Kommuniata avataani kulturip ineriartortinneqarneranik suliaqarnermik ilaqassappata angalanerit aningaasartuutaasa affai tapiissuteqarfigineqarsinnaapput – taamaattoq amerlanerpaamik 15.000 koruunit angullugit siumut utimullu angalanissanut taperneqarsinnaapput. Qinnuteqaammi siunertarineqassaaq aaqqissuussaq tamanut ilaqutariinnullu imigassartaqanngimik tamanut ammasuunissaa.

Imm. 3: “Kulturikkut sunniuteqarluarsimasumut nersornaat” (Kulturikkut suliniarluarsimasumut kajumissaat) Kiisalu (Inuusuttumut kulturikkut malunnaataalluarsimasumut kajumissaat) Inuiattut ullorsiornermi ulloq 21. Juni nersorinnissutit pingasut tunniunneqartartussat annerpaamik immikkut 1000,- kr. Aningaasartaqartassapput, illoqarfinni nunaqarfinnilu tamani immikkut tamarmik. “Ukiumi Kulturikkut nersornaammik” nersornaaserneqartut kajumissaaserneqartullu toqqarneqartassapput komitemit makkunanga inuttaqartinneqartumit, kommunimi immikkoortortaqaqfimut Peqqinneq Sunngiffillu illoqarfinni nunaqarfinnilu tamani kulturikkut peqatigiiffinnit tamanit sinniisunit. Komite maaji qaammat naatinnagu toqqaareersimassaaq.

Imm. 4: Angalanernut aningaasartuutitut Qimussimik Kalaallit Nunaanni pissartanngorniunnermut, Kulturikkut siunertanut ukiumoortumik illoqarfimmu atugassiissutigineqartut annerpaamik pingajoraarterutaat, 33%, tapiissutigineqarsinnaapput, taassumalu nunaqarfiinut tapiissutit ukiumoortumik Kulturikkut siunertalinnut.

Imm. 5: Ukioq sammisassaqaqtitsiviusoq tamakkerlugu meeqqanut inuusuttuaqqanullu 17-it tikillugit ukiulinnut piorsarsimassutsikkut sammisaqaqtitsisutut ingerlatsisimagaanni, sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq sammisassaqaqtitsiviusoq septemberimiit maj/junimut sammisaqaqtitsisutut ingerlatsisimanermit uppernarsaat, tapiissuteqarfigineqarnissamik qinnuteqaammut ilanngullugu peqatigiiffimmiit nassiunneqassaaq.

Imm.6: Peqatigiiffiit tapiiffigineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiuunnissaminnik pisussaaffeqarput.

Imm.6.1: Kulturikkut sammisaqartuni 18 inorlugit ukiulinnut sungiusartartunut sungiusaasut ukioq piorsarsimassutsikkut suliaqartut aallartinnginnerani ukiut tamaasa (sæson) meeqqanut pinerluuteqarsimanginnermik uppernarsaammik Peqqinneq Sunngiffimmillu tunniussisassaaq.

Imm 7: Kommunip aningaasaliissutigisimasaasa takussutissartaat naatsorsuutit suliarineqarneranni ilanngullugu takusassiarineqartassapput.

Imm. 8: Avannaata Kommuniani innuttaasumik immikkut nersornaasiisinnaaneq – Ilinniakkamik naammassisumut nersornaasiinermi immikkut angusarissaarsimaneq tunngavigalugu.

Assersuutigalugu najugaq qimmannagu ilinniakkamik naammassinninnermi angusarissarissaarsimanermi nersornaasiinerit. Annerpaamik 3.000kr tapiissutigineqarsinnaapput.

§ 9: Akuersisinnaatitaasut:

Imm.1: Qinnuteqaammi aningaasat 100.000 koruunit inorlugit aningaasartallit sumiiffimmi Peqqinneq Sunngiffik-immi immikkoortortap aalajangigassanngortillugit nassiunneqartassapput.

Imm.2: Qinnuteqaammi aningaasat 250.000 koruunit inorlugit aningaasartallit Peqqinneq Sunngiffimmi ataqatigiissaarisumut aalajangigassanngortillugit nassiunneqartassapput.

Imm. 3: Qinnuteqaammi aningaasat 250.000 koruunit sinnerlugit aningaasartallit Inerisaanermut Ataatsimiititaliamit aalangiiffigineqartussanngorlugit nassiunneqartassapput. Inerisaanermut ataatsimiititaliap qinnuteqaatit ataatsimiinnerminni aalangiiffigisassavaat. Qinnuteqaatit ullut suliffiusut qulit ataatsimiinnissaq sioqqullugu tunniunneqartassapput.

Imm. 4: Kommunimi immikkoortortaqrufup Peqqinneq Sunngiffillu pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersumi kapital 2-imi allassimasut malittussaavai.

Imm. 5: Qulaani aalajangersakkat Avannaata Kommuniani kommunalbestyrelsimut naammagittaalliutigineqarsinnapput.

§ 10 Immikkut ittumik qinnuteqaateqarsinnaatitaaneq:

Imm. 1: Immikkut ittumik qinnuteqartoqarsinnaavoq, nalilersorneqarpat pisoq immikkuullarissoq, aalangersimasorluunniit tapiisarnermi ileqqoreqqusami allaqqanngittumik peqarpat.

Imm. 2: Qinnuteqaat Kommunalborgbestyrelsep ileqquusumik ataatsimiinnermini aalangiiffigissavaa. Qinnuteqaat ullut suliffiusut qulit ataatsimiinnissaq sioqqullugu tunniunneqartassapput.

§11 Tusarniaasarnerit:

Imm. 1: Tapiisarnermi ileqqoreqqusaq una ukiut tamaasa augustimi peqatigiiffinnut tamanut sumiiffinni tamaniittunut tusarniutigineqartassaaq.

Imm. 2: Tapiisarnermi ileqqoreqqusaq una pillugu tusarniaaneq septemberimi peqatiiffinnik aggersaalluni isumasioqatigiisitsinikkut aamma ingerlanneqartassaaq.

Inerisaanermut Ataatsimiititalianik akuerineqarpoq ulloq:

Siulittaasoq Lena R. Davidsen

Avannaata Kommuniani Kommunalbestyrelsimit akuerineqarpoq ulloq:

Borgmesteri Palle Jerimiassen